

序



士歟墳典乃性之常一行作吏便
已度閣碌工鞅掌塵坐間點檢案
牘是亟其能研精覃思約文申義
於朱墨之外多所紀載庶幾有補
於將來者乎古之學聖賢之道者
則不然留心民瘼之休咎攷政治
之得失酌古準今綜覈疆理洵以
風土人物之所關皆吾分內所譬
畫而不可一日漫然以嬉是故攷
亭守南康下車而問郡志良有以
也余自臺海董移東郡初以嶠嶺

紛拏未暇他及志乘幸與郡屬訪
君子共承上意敬厯整飭漸有成
蹟因欲接輯郡志一書以補數十
年沿革振興之所未載而闕略脫
漏者自明廢曆以來未之纂輯者
而濮州志重修於


今上御極之十一年則猶未為曠遠
而莫稽者也爰屬諸君子各蒐舊
乘廣摭羣言有闕一方之利病及
潛光幽隱迄未表襮者務質文詳
略賅而不支悉皆纂覈咸編刊以
垂遠於是鄧君授証義例自壬子

逮唐宣中間三十有八年按羅之
漏據事直書犁為上下二卷續原
志之後昔者趙清獻公入蜀知
蜀事為詳而撰成都古今記王居
正復有續記范旻刺邕州而撰邕
州雜記皆官臨所經撰述埒於史
乘班上可攷余內佐臺海初隸版
籍覈名文物之盛萬不殫乎州頗
就所見聞輟歌羗語而記錄備采
風之用况東郡禮教之區漢於郡
為最剏詎可缺焉弗加補綴以邳
君之集思廣益續舊志而得其體

要遂以繁然而可觀也夫然後郅
君之治行亦具覘於此矣余何余
罹憂玄郡未獲旁搜遠紹以迄郡
志之成向者願力攸存微郅君無
以發吾覆也於是乎書以應郅君
之屬

中憲大夫知東昌府事桐城孫元

衡撰



濮州續志序

按州志壬子之修蓋

今上御極之十有一年也自壬子至庚寅又三十有八年矣時移事易纂續無聞

郡憲龍眠孫公蒞任之明年以前事者後事之師已往者將來之監三十八年之事蹟弗傳即三十八年之是非不著或貽事久則湮信疑莫辨之患移檄州縣令徵老學宿儒文行兼優之士續輯纂修且戒以矢公矢慎勿為徇情之予勿為溢美之

稱據實直書誠以實心徵實言之至意也玠敬承

憲命恪慎從事乃同廣文蘇君元行李君開別駕程君肅祐功曹吳君揚延本郡博雅通儒任君煥輩八人採訪覈實如前志所詳疆宇輿圖山川人物無庸復贅者概勿重複專取壬子以後事蹟嚴為考訂詳著田賦變易之由戶口增益之數若孝行若節烈則必生事葬祭盡禮盡誠歷艱茹苦之死靡他黨里共推者載之若隱德若懿行則必慷慨任卹非由矯強立心持已不媿幽獨日久論定

者載之興建則必有闕民社補遺則必不堪磨滅
至於書水旱著民疾也紀災異示天變也意寧刻
而勿恕論寧嚴而勿寬文寧樸而不耀事寧簡而
不煩用以繼往不慮或墜于以昭來庶其有憑五
閱月而事竣犁為上下兩卷附於原志之末藉以
傳信弗致無徵以仰慰

郡憲實心徵實事之至意因述其緣起如此

康熙五十年春二月

奉直大夫知濮州事河中鄧介撰



濮州志原目

歷代建置沿革表

前集已詳

郡邑疆宇總圖

前集已詳

郡治疆宇圖

前集已詳

郡治城市

前集已詳

郡治疆宇總考

前集已詳

郡治考

前集已詳

郡警衛分圖

前集已詳

星野考

前集已詳

古蹟考

附今時建造

今續增

河渠議

今續增

帝系表

前集已詳

帝紀

前集已詳

世家

前集已詳

年紀

附災異

今續增

賦役志

四稅均徭里甲
馬政鹽法

今續志

學校志

附祀典

今續志

職官考

今續增

風俗記

今再記

兵防志

前集已詳

官師歷年表

今續增

科第表

今續增

二貢考

附武舉

今續增

名宦記

今續增

鄉賢記

今續增

孝友傳

今續增

明經傳

今續增

武烈傳

今續增

古交篇

前集已詳

遊寓傳

前集已詳

烈女傳

今續增

隱德傳

今續增

兵家傳

前集已詳

豪俠傳

今續增

貨殖傳

附土產

前集已詳

仙釋傳

前集已詳

衛人志

前集已詳

雜記

前集已詳

王言 附勅命

今續增

詩類

前集已詳

文類

前集已詳

歲貢生

任煥編次

恩貢生

李會霖

歲貢生

顧霖

己卯科舉人

董之璞

戊子科舉人

許浣同編

儒學廩膳生員

馮璧千

組器

黃元鐸校正

涇州續志目錄

上卷

古蹟考

河渠議

年紀 附災異

賦役志

學校志 附地詠

風俗記

官師歷年表

科第表

歲貢考 附武舉

名宦紀

鄉賢紀

下卷

孝友傳

明經傳

武烈傳

烈女傳

隱德傳

豪俠傳

王言紀

藝文志

濮州續志上卷

郡人任煥編次

古蹟考 補遺

擊磬堂在州治東南二十里相傳子擊磬於衛處
閔子騫墓在州治東四十里濮范間楊二莊東北
莊子釣臺有古廟世傳蒙漆園吏南華觀在州治
南七十里許郡人給事羅志儒碑記

關帝廟在州治察院東州牧宋 增修

鐵菩薩堂在西關外鑄鐵為像明嘉靖元年建萬

曆十一年修

皇清康熙四十九年知州鄧 重修

河渠議

郡人李會霖曰濮境舊有洪魏小流三河洪魏二河上接開澶小流一河來自曹南皆非有源川流之水或值霖雨汎濫開曹二州以濮為壑致濮萬頃禾稼半委波臣况水勢就下遂由三河故道經郡新治東南舊城東北逸運至楊二莊合而為一波及范縣竹口壽張張公橋遞入張秋漕河北流抵天津入海由來舊矣嘗聞黃河奔放洶湧尚借清浦淮渠瀉歸海口宋景濂有曰淮猶胃海猶腹也茲則天津海猶腹會通漕猶胃也按會通河由永樂九年工部宋禮發丁夫疏濬故元運道自東平州安民山北抵臨清二百五十里又用老人白瑛策築壩於汶上之戴村遏汶勿洩東流令其盡出於南旺至分水龍王廟條分為二南條四分以接徐沛北條六分以負運舟夫以二百五十里之漕運僅資六分北流之汶水竊恐會通河淺不克轉各省重運也因增修水閘三十有一以時蓄洩啟閉為其無他水之接濟也迨臨清迤北得會御

水夾流始不需閘若臨清以南水淺任重設有
流增益而壅塞阻滯不令入河譬之扼其胃而欲
實其腹豈可得乎前志紀載雖詳而瀕河州縣動
云漕水入漕慮妨運道不知建閘蓄洩原患水少
非患水增也古人云引汶截濟直屬御河其斯之
謂歟

又

河渠之設所以行水而水之行也必有所歸漢境
有洪河魏河自直隸澧州流至舊城東北與小流
河會達楊二庄經壽張陳穀田閘出漕此古制也
日久故道淤塞閘亦填沒一遇霖雨連綿水屯濮
境田禾盡付波臣執事者每議䟽濬率以有妨運
河不果行此遷延之見非興除之謀也蓋漕河之
水所以資輓運欲其大不欲其小大則易為運小
則舟且膠焉故淺夫閘夫募夫以及小挑大挑之
役皆欲濬之使深不患其衝決也今誠復舊制導
洪魏二河之水以益之一則利輓運一則救民田
一則免吏患一舉而三善備焉如之何不可哉且

運河之水上流所資甚衆下流自東平以北所資者僅汶河一脉耳汶水六分歸河四分南流其為水幾何可不疏洪魏二水以益之耶況洪魏非有源之河所患者特偶遇霖雨暴水泛漲耳然潦時少而不潦常多若於洪魏歸河之處重修舊閘以防之水小則任其流水大閉閘以緩其勢是不惟無害而於河且兩得之矣此雖拘曲之見存之以脩採擇焉

年紀 附災異

康熙十二年正月大風雪雷大震

三十四年二月二十八日戌時黑風暴起鳥獸羽
毛生火行人迷失道多凍死 四月初六日戌

時地震

三十八年竹生花

四十二年夏霖雨平地積水丈許歲大祲 遣官

賑濟

四十三年麥稔疫癘作民多死知州趙 延醫施

藥拯濟自五月至八月止 蠲租

四十四年蠲租

四十七年夏四月隕霜麥半實不雨八月十五日
雨

四十八年八月初九日寅時地震有聲自北而南
九月十二日辰時地震

四十九年夏五月至六月民多中暍知州鄧 延
醫施藥救之大有年

賦役志

原額一例入丁六萬四千七百七十一丁每丁徵銀一錢六厘內除逃亡併優免入丁現今實在當差人丁三萬四千四百七十一丁該徵銀三千六百五十三兩九錢二分六厘

原額一例大糧地一萬二千八百七頃四十六畝七分二厘二毫自康熙十六年全熟每畝徵銀二分八毫三絲八微五纖六沙共徵銀二萬六千六百七十九兩五分五毫一絲三忽三微每畝徵米

五合九抄四粟九顆四粒共徵米六千五百二十四石一斗八升七合

原額額外荒田地一百三十三頃三十四畝九分八厘八毫全熟每畝徵銀一分

更名籽粒原額地三千一十五頃九十畝三分八厘四毫全熟每畝舊徵銀七厘一毫二絲順治十四年每畝外增租銀一分二厘八毫八絲每畝實徵銀二分

原額馬場租四等地共五頃四十九畝九分全熟

內上地一頃三十畝每畝徵銀四分三毫二絲中
地七十畝每畝徵銀三分二毫四絲下地二頃五
十畝每畝徵銀一分醺地九十九畝九分每畝徵
銀六厘五毫四絲八忽四微六纖八沙四塵七渺
原額河灘籽粒地一十五頃九十畝五分五厘全
熟每畝徵租銀一分

原額學田地一頃二十畝每畝徵銀一分
臨清廣積二倉本色正耗米一百五十一石九斗
八升七合奉文每石折銀八錢

丁地存留河道夫食銀一千三十兩四分九厘三
毫內撈淺夫停役銀二百五十二兩夏鎮河夫連
閏銀二十六兩四分開夫見役協濟聊城縣周家
店九名工食連閏銀一百兩四錢四分淺鋪夫見
役協濟聊城縣四十七名半工食連閏銀五百一
十三兩六錢六分三厘八毫椿葦銀一百二十二
兩河灘籽粒銀一十五兩九錢五厘五毫

按河道存留夫食原舊實存銀一千五百四十
三兩七錢一分三厘一毫內除協濟聊城縣淺

舖夫九十五名自康熙十五年以軍興奉裁四十七名半工食銀五百一十三兩六錢六分三厘八毫歸入起運外實存銀一千三十兩四分九厘三毫支給各項河夫應用州志前集內云濮自順治初年民逃地荒無銀協濟暫撥守城夫充役一時權宜嗣後遂有協銀復協夫之累積弊相沿濮民之苦不可言矣康熙三十九年知州宋 以濮州去聊城二百餘里遠役維艱舊係協銀就近僱覓有事則荷插赴工無事則歸農耕種濮與聊之民皆有利而無害法稱至善可垂永久等情詳蒙

河院張公批允自此協銀如故而無協夫之累矣

學校志 附地脉

聞之周禮以司成掌成均之法而治國之學政取
合國俊秀子弟使有道有德者教之先器識後文
藝博經術式先正之典型守聖賢之成憲是以國
家公輔器匡濟才宣猷布化而建治平之偉烈垂
芳躅於奕禩者莫不奮跡於學校之中是學校為
人才所自入實人才所從出也吾濮學校自明景
泰中遷治以來時秀水毛公歲指點區畫其新建
之規模位置之處所前後之次序先達之紀載詳
矣而又何容贅乎無容贅則亦烏乎志之亦志夫
自建學以來歷今二百餘年雖幾經重修不無雨
矢風輪摧殘凋敝之感自我鄧公蒞任於謁廟
時目覩情愴即以修葺為言曰學校之設所以崇
聖而育才隆禮聖人尊文章之祖也羽翼聖道者
則先賢闡明聖教者則先儒也列之東西兩廡以
隆配享苟廟貌之弗整則以妥以侑之謂何又何
以祈其靈爽之式憑以振文士之氣而生斯文之
色乎於焉不惜清俸以圖修理擇學中才能弟子

員羅子

珽

王子

廷瓚馮子

淑

世蘇子

叔茂

督理而

考功焉前有

郡侯宋公汝為營繼夫大成殿後

有

學正蘇君元行整飭夫櫺星門今我

邳公

復彈力締造俾殿宇巍巍堂廡壯麗而學校之中

燦然可觀矣於是而知人事之修即為天心之格

因應之機政不在遠果於是科發臧子岳許子浣

嘻異哉以數十年罕見之事一旦勃然以興聯翩

並駕非我公銳意作人培植其本原之地又烏能

令斯文之振起也耶至廟前之泮池度池之成賢

橋橋所通之聚秀亭其修砌補建轉盼間且聿觀

厥成矣郡後學任煥志

學校者作養人才之地也地脉者培植人才之基

也吾濮地脉發於西北是為亥龍聚秀於東南隅

以故文廟奎星樓文昌閣皆建於州治東南所以

收文脉承秀氣也來龍自拱宸門入由學宮之右

南至延熙門而東匯焉界水由西郭外自北而南

出金堤東折而入於河環抱奎文樓閣自有明景

泰以迄啟禎二百餘年其間科第蟬聯人文蔚起

名公巨卿各有偉績亦云盛矣迨

國朝順治六年黃水泛漲金堤塞而水不南下城河
缺而水不環遶此六十年來積衰之故識者憂之
前牧武安宋公為之塞井開衢而氣脉半復已卯
戊子兩科漸有生色若於城外環抱之水塞者通
之缺者補之使地形盡復其故文風其再振乎

州判程肅祐曰余於康熙辛巳歲叨佐濮州冷
署事簡情適披覽州志成弘以前年遠事湮勿
論已嘉隆萬曆以後科第聯翩鉅公接踵深人
遐慕自我

朝定鼎迄今五十餘載人文竟不多見不禁掩卷
歎曰古今人何不相及耶後有告余者曰濮當
明季兵燹旱潦災患頻仍保身不能何暇讀書
今雖戶口殷繁誦習亦鮮且士無大志入庠後
即意滿願足所以上進寥寥余曰是雖多士之
不前亦由鼓舞之弗力耳因有志請命於堂臺
趙公修黌宮建書院延名師廣教訓不謂四十
二年忽遭水患拯救弗遑而余又署篆范邑迨

四十三四五年雖稱豐稔而元氣未復終難舉
行至四十六年 邳堂翁蒞任崇儒重道以學
宮為首務廢壞者修殘缺者補復擇公所隙地
捐俸建造書院是余數年之願 邳堂翁一旦
為之可不謂人有同心乎由是而臧君岳許君
浣於戊子科並發雖曰氣數其得力於人事之
搏挽者政自孔多也憶昔州試儒童不過五六
百人至己丑試千數餘矣今庚寅試且千五百
餘矣作養有道人才奮興而學憲黃公按考東
昌獨賞州文為第一且有美不勝收之嘆甚矣
夫黌宮之修書院之建為大有功於濮之名教
也後之任斯土者實心力行不以儀文相視則
人文之盛不知更當何如豈止目前已耶

風俗記

按風俗隨時變遷難以例定吾濮歲時民俗士風李北山先生前志頗詳生魯南公又復窮源溯流感慨時變意更深遠茲四十年來風俗每變而益趨新異復古愈難蓋誠慙為風化之本中正樹習俗之型善變者補偏救弊次則踵事增華不善變者任情放達縱逸不可挽回而且東隣鄆者移於鄆而隣曹者移於曹西接開澶北連轄邑皆近墨者黑矣憶國初水退兵息結廬而處併力以耕

民安事簡有草昧初開景象故其鄉老樸厚質直其子弟亦儉約拘謹但失則野者為多今易方而圓飾質而雅可謂一變矣然而踵事增華實意不逮昔年婚喪聚會必遲延終夜今吉則歡飲凶則成禮數行而退可謂一變矣然鄉曲間猶有不論吉凶狂呼豪飲者亦放達之失乎若喪祭行文公家禮鄉民自來罕見今多行之可謂一變矣然多作佛事已與家禮相刺謬甚且有徒事虛文不垂一淚者亦與踵事增華無異若節饌變而豐美器

丑變而精工室廬服飾車馬變而魏我鮮麗仕宦
富室或宜然乃物力不足者亦思竭蹶從事此屋
趨於新異者之變乎其人事得失亦概可見而天
災流行癸未甲申之際草根木皮以充腹奔南逐
北以乞食此時之風俗已不可問賴

皇恩浩蕩力挽天心無何至戊子而又遭一阨母亦
奢靡之過不目創懲悔艾以自為之召歟至於集
市廟宇每多戲會環臺而棚設案而坐類皆博徒
官雖嚴禁而無如俗尚所趨不能絕也且亦不止

占

濮土為然所謂不善變者此為最甚若夫孝子悌
弟義夫節婦積行隱德亦不乏人鄒魯禮教遺風
於茲未墜急公畏法輸誠媚上民稱易治上交不
諂介節自好閉戶讀書非公不至紳士中尤堪屈
指衛多君子之言良為不誣又若童試不下千五
百人學使者每嘆限於額數不能盡收此盛世休
風亦上之人培植作養之力也補偏救弊端有望
於善變者

官師歷年表

知州

高攀鳳 奉天人由筆帖式康熙十七年任

趙民慶 直隸青縣人由拔貢康熙二十二年任

李煜 浙江歸安人由拔貢康熙二十六年任

王景魯 奉天人由監生康熙三十年任

宋汝為 直隸武安人由例監康熙三十五年任

趙環 江南上元人由例監康熙四十年任

鄧玠 山西蒲州人由招民康熙四十六年任

知州

知州鄧玠曰嘗讀南山有臺之詩曰樂只君子

民之父母百里之司牧民未嘗不以父母望之

矣望之切則責之嚴政治之得失父母之名實

係焉肩斯任者亦甚難矣書曰民罔常懷懷於

有德德也者其牧民之本與余承乏茲土惟以

不克勝任為懼所幸前牧芳規多堪遵守管王

耿杜諸君前志綦詳無庸復贅迨壬子以來第

高君之弭盜安民李君之愛惜士類王君之政

簡刑清宋君之修舉廢墜請免協夫此皆視民

如子而民戴之如父母者也循次著之以示將來之則效云

州判

韓養度

浙江平陽人由監生康熙十七年任

李登奎

直隸邯鄲人由供事康熙十九年任

陶鎬

浙江山陰人由監生康熙三十二年任

程肅祐

順天大興人由監生康熙四十年任

吏目

壽日輝

浙江山陰人由吏員康熙十二年任

龔茂基

浙江仁和人由吏員康熙二十年任

王士璽

浙江山陰人由吏員康熙二十九年任

袁承麟

浙江山陰人由監生康熙三十二年任

吳揚

順天大興人由監生康熙四十九年任

學正

王桐栢

長山人由舉人康熙十三年任

徐瑜

長山人由舉人康熙二十二年任

韓煊

淄川人由舉人康熙三十八年任

蘇元行

淄川人由舉人康熙四十二年任

訓導

李廷楷 歷城人由貢生康熙十六年任

王道光 齊河人由貢生康熙十九年任

來鍾慶 大嵩衛人由貢生康熙二十三年任

劉嘉運 長山人由貢生康熙三十年任

王毓珍 壽光人由貢生康熙三十二年任

江興宗 壽光人由貢生康熙三十九年任

于坦 新城人由貢生康熙四十一年任

宋益省 平原人由貢生康熙四十四年任

李 闊 長山人由貢生康熙四十九年任

郡人任煥曰學博不關民社而主持風教乃其職也勝國正嘉以前師道尊嚴諸生循循執弟子禮浸至晚季羈縻成風不堪問矣

國初定制儒學設學正一員訓導一員俾同心教育維風勵俗意至渥也自康熙三年裁汰訓導止留學正一員董率諸生亦為甚便然廩積歲而成貢積歲而就職遲暮之悲有自來矣迨康熙十六年復增訓導明經宿儒不歎淪落正

副鱣堂相與有成因之作養陶淑而多士奮起
戶誦家絃崇禮教而矜名節教職所關豈不重
哉

科第表

李元直 前志有名後任太和縣知縣

蘇金鉉 前志有名後任兵部督捕主事

樊騰彩 字燦仲州人中河南甲子鄉試

陳周禮 字懷先江南人寄居州籍丁卯

董之璞 字崑生己卯

臧岳 字視三戊子

許浣 字滌旌戊子

按濮舊治浚於水明景泰三年知州秀水毛公

晟遷州治於西北蓋取亥龍結脉洪魏環流金

堤為帶也成弘之後人才蔚起勛名赫奕迨我

朝定鼎七十年以來甲科纔得四人宦業亦不甚

顯鄉薦除樊君以州人而占籍河南陳君以江

南而隸州籍亦僅五人焉耳是果地氣耗乏與

抑亦人事之弗修也丙子歲神鉅宋公抵任周

視地形力為補救開衙前新路以昭昌明之象

塞大街井眼以培龍背之傷建閼帝祠遙映奎

樓以助其氣踊通水渠趨取地勢以暢其流自

此而獲雋者三人將來氣脉復轉凝結完聚而文風再振未可知也

歲貢考 康熙十三年起

熊象健

張爾騰

周弘猷

王植之

史鍾生

鞏 鎖

安起宗

孫亮輔

王樞之

王 畿

張月人

南汶源

字原山任沂州訓導

聶 森

周 綉

建昌武守會隆長子

桑大成 有傳

田種芳

吳光祚

任 煥

毓采之子康熙庚寅鄉飲正賓

石 瑩

張秉六

劉子蕃

張兆龍

字沛生孝友任俠皆出至性

張 恂

南 棐

蘇之洵

南 杭

二十五
年拔貢

毛 試

三十七
年拔貢

李會霖

恩貢

郡人任煥曰歲貢者積歲而成貢也士自弟子

員以食餼之先後積三十年而成貢積歲久則
閱歷深而窮研至其德行必可為師其經綸必
可為治以之式士理民其教化功業自有卓越
一時者如前志所載譚江李士魯輩非其彰明
較著者哉自國運遷而銓法亦變明洪武舊制
府教授一訓導三州學正一訓導二縣教諭一訓
導二其員皆以歲貢充焉當其時貢無停留悉
得効用我

朝初興廣用人才加意歲貢令吏禮二部兼為除
授由禮部出者使充府州縣教職各一員由吏
部出者授以知縣故士由歲貢起擢大吏者歷
歷可考其典較盛於明制矣後於康熙三年裁
汰府州縣學職各一員至十六年而仍復舊制
恩至渥也第恩拔例監舉人今并進士皆與其
選人多缺少選途廣而沉淪益甚以致積歲成
貢者終其身不得効一職以展所學而上報
朝廷也可勝嘆哉

武舉

王奮武

甲子四名

杜起鳳

甲子五名

劉大勲

甲子六名

孫勲

丁卯七名

張世法

丁卯二十一名
丁丑進士

黃振葵

丁卯三名

田公度

庚午三名

黃廷獻

庚午進士名

董振玉

癸酉二名

錢嘉生

丙子二名

陳鳳翔

丙子四名

楊維雷

壬午六名

李世福

壬午二十四名

名宦紀

巡撫楊公諱廷耀奉天人由布政使陞授巡撫政
簡刑清恩覃六郡

布政使施公諱天齋雖隸旗籍實係泰安州人也
屏藩二十年惠政不可枚舉販夫匹婦至今猶
知其名

布政使衛公諱既齊山西人

按察使吳公諱毓珍奉天人

按察使蘇公諱昌臣奉天人

督學道施公諱閏章江南人順治己丑進士公明
廉潔選拔多知名士鼓舞造就之恩追思弗替
本府太守朱公諱國祥

州牧耿公諱秉方直隸定興縣人由貢士順治四
年任五年土寇張七任復性作亂圍城數晝夜
公與民死守得保全九年黃河水決公率衆築
堤城免陷溺實心保障享祀固宜

郡人任煥曰名宦設祠祀功德也功因政見德
以恩流立德立功言常修也大吏法小吏廉法

則奉公可為官表廉則潔已可寄民生本是道
以為吏治至仁晉焉大業昭焉功德克立古所
云不朽者此也春秋享祀夫何媿乎

鄉賢紀

明李先芳字伯成號北山嘉靖丁未進士尚寶司少

卿前志有傳

葉廷秀字仲蔚號潤山天啟乙丑進士戶部主事
前志有行畧

羅志儒字無他號印尼天啟戊辰進士殿試上覽
其策曰此直臣也即授刑科給事中凡其奏議於
國計民生治道機宜罔不切中時弊多所允行旋
改戶科轉吏科主考雲南福建所選拔多知名士

正色立朝人皆敬憚尋以叅議備兵安廬道值時
事不可為退而家居以守節終良足悲矣

南洙源字生魯號東山崇禎丁丑進士授大名府
司李釐奸剔弊吏畏民懷遠滑濬間巨寇猖獗公
監五府軍親冒矢石一戰而河北大定以軍功陞
南兵曹出守保定府值歲荒設厰西郊煮糜振濟
全活甚衆擢井陘兵備道甫抵任即遭關逆之禍
間道歸里 本朝起用官至湖廣左布政使其弟
泗源沂源瀛源淮源長子樞皆有文行云

皇清周會隆字梅庵年十八中明崇禎庚午科舉人閏十五年

本朝定鼎授湖廣遠安令縣在萬山中時當荒亂賊衆依山盤踞百姓寥寥公多方招徠年餘得一二千家賊衆不時剽掠公戰守交嚴剿撫互用厯三載元亮授首境內又安上官嘉其才能交章薦之陞建昌府貳守尋解組歸無志仕進安於恬退家居惟琴書自娛啟迪後進嘉言懿行足為模楷所著有卧遊草山野經濟錄為人金鑑集藏於家前

十一年修志時方借公秉筆未立傳今特表出之
子鱗歲貢生孝友廉直克世其家云

任煥識

桑行素字坦衷明崇禎癸酉經魁尋謁選授濟陽縣教諭陞東平州學正再陞成山衛教授隨在造就人才不負其職謝政歸里不預戶外事所著有六言醒世一卷訓後格言一冊郡侯張公延為鄉飲大賓年八十餘無疾而終

蘇金鉉字耳鼎順治庚子科舉人屢上春官不第就選授壽光縣儒學教諭陞靖海衛教授再擢國

子監助教康熙甲子歲遇

覃恩以例得封典請移封其父埒為修職佐郎尋陞
兵部督捕主事辛未復遇

覃恩封承德郎父亦再封如其官母贈安人未幾以
父年衰邁得請歸養識者以未得竟其所蘊為惜
云

張從溟字鵬九號羽風以恩貢歷官西城兵馬副
指揮勤勞王事二十餘年及賦歸來清風兩袖可
謂始終廉潔者矣

劉氏璧字連城以歲貢任上高縣丞佐政循良邑
人德之

楊孝源字永思由歲貢任霑化縣訓導師道尊嚴
受其裁成者甚衆居鄉端方直諒恒恤孤窮

羅台臣貢生兗州府曹縣儒學訓導

諸賢之入祠崇祀者李公先芳葉公廷秀南公
洙源羅公台臣餘雖尚未入祠然記之以昭其
實行云

潯州續志下卷

郡人任煥編次

孝友傳

蘇光曙字生明別號醉墨山人例貢孝友性生操履廉潔親歿廬墓三年兄光泰以俸金三千分贈不受嗜書畫工筆墨購得者珍若至寶城南別墅樹木千株值黃水泛濫許人砍伐以修堤障水友人丘一華死無所歸厚葬之明崇禎十三年饑甚施米以濟貧乏卒年八十有五子州璞崇禎己卯

舉人甲申國變殉於難

張世偉庠生樸誠謹厚以幼失怙恃祖母撫之成立依依膝下孝養脩至時值荒亂卒能保全以終天年可謂繼志以盡子職者矣

王我孝庠生幼孤苦長而嗜學孝友恭儉房產多分於兄弟而自取甚少鄉黨稱之

王國祥州民幼失怙事母聶以孝聞愛其弟而多與田產外姻劉氏窮困無依生死周卹其孝友義俠殆天性然也

趙秉正字義庵以拔貢授州同未就事孀母曲盡其孝母病癰一十三年率妻侍奉始終無倦容撫孤姪如已出教養婚娶卒至成立

郭言州民持身端謹事親色養事兄恭敬教子以義方明末兵亂州牧張公其瑾被害人皆畏避言獨冒險收其尸殮葬之孝友人也而更達於義矣崔清儒庠生天姿端潔篤孝於親生事死葬無不如禮弟早逝撫遺孤如已子且好義樂施隣里有母喪不能舉者助其棺殮又設義學以教誨後進一時學者奉為楷模

陳熙化貢生性至孝親歿哀毀不食瀕死者再事兄如嚴師困於諸生者三十餘年以例貢入成均循循雅飭都人士胥矜式之文宗楊公嘗給匾旌其學行云

熊捷飛柳州府經歷事親至孝父病衣不解帶嘗糞甘苦以覘病之重輕母患疾晝夜祈禱願以身代病皆愈人以為孝感所致云

呂守讓州民醇謹篤實善事父母頌好為人解紛

排難鄉黨愛敬之康熙十年舉鄉飲耆賓壽九十
一歲

田立大庠生六歲失怙母子相依色養備至母以
痼疾卧床五年日不離側及卒哀毀骨立思慕終
身堂兄立本避亂他所多方尋訪歸而為之婚娶
同居五載始析爨焉

李崇白李崇愿皆庠生孝友端方兄弟自相師友
士林推重

羅鼎臣恩貢生至性孝友甘於恬淡田宅之美者

濮州續志

三

盡讓於兄亦異乎末世之爭產以構訟者矣

蘇鉢緒庠生天性仁孝孺慕之誠終身不改父得
癰症十有八年緒侍奉湯藥日夜不離左右父卒
閉戶讀書不與外事文宗施公匾其門曰德行可
嘉子標值庠生孝友誠篤綽有父風

李安朝州民父母早逝事祖母以孝稱當明季辛
巳壬午間寇亂宗族有被執者安朝入賊營哀懇
得釋子開以文學著

白潤州民年十五遭寇亂偕母陳氏逃避河南母

死隻身歸里越數年往收母骸失其埋所潤呼天
號泣忽遇老人指示掘之果得母骨既而謝老人
已莫知所之矣人謂老人乃鬼神云

王顯庠生母陳氏身犯賊鋒顯哀泣欲絕勺水不
入口者三日父沈丘令王繼祚遭明末李自成之
亂為賊所執顯哀懇代命父得以全

任勑庠生善事繼母遠近稱其孝兄弟之間怡怡
如也且樂與好施濟困扶危又其餘事

張玉言州民奉事孀母不改孺慕弟潛修為賊所
害遺子攀龍五歲次兆龍甫十二日玉言撫之成
立以兆龍為嗣年八十八歲卒

孫立極郟邑庠生實州人也舌耕以養親所得館
穀奉親之餘置產分贍其弟後以避亂居豐一日
偕友人郭某出遇寇郭年老不能步履立極扶掖
周旋不忍去賊義而釋之患難不避有古交風
胡開齊庠生孝行真醇善事繼母年六十餘服勞
弗替其嗜學至老亦不倦也

任毓采歲貢生考授縣丞端方孝友人無間言嘗

避難江左士皆愛重相師友及故里郡侯杜公
高公咸給匾表其廬年八十八終先是公元配鄭
氏明末遇亂兵驅行鄭投井中以死臨患難而潔
身歸全當與趙元楷妻崔氏並垂不朽矣
于耀性州民其兄耀情早世遺一子名得志值明
末辛巳之亂得志與性子俱三歲性負之避難度
勢難兩全乃棄子負姪以逃弟嗣得弗絕其為人
樂善好施鄉曲稱為善人云

孫映闕庠生明末寇亂其父與孀逃難賊執之索

川紀

五

金不得俱被害映闕逃及枕父屍號哭三晝夜而
絕妻崔氏守節終身

侯國屏庠生事親至孝父歿遭明季寇亂偕妻錢
氏奉母逃居濟寧之腐以養母雖薪水必得其歡
心母病錢割股肉以進遂愈夫婦純孝如此

唐夢豸賦質醇厚天性孝友游學於浙入杭州府
庠聞父病棄歸已而父卒葬祭一遵文公禮事繼
母曲盡誠敬學行無漫鄉飲延為大賓

毛公簪歲貢生天性純孝每侍膳凡一切飲饌必

躬必親父歿泣血哀毀廬墓三年服闋授湘陰縣丞時值吳逆變亂之後佐理邑務井井有條尋以病免歸郡侯匾其門曰移孝作忠

明經傳

桑大成字集九孝廉行素之子也自幼聰敏弱冠
列膠庠博洽有文名平居溫厚謙和未嘗有疾言
遽色雅甘淡泊聲利非所好每居斗室中與一二
同志酌酒賦詩絕意仕進家學治春秋後生輩執
經問難輒為之反覆精義無少懈濮士得春秋之
旨者皆其指授也舉鄉飲大賓年七十二卒懷才
篤行而僅以歲薦終人皆惜之

學正蘇元行曰余自任濮學政得與先生遊余
踈放先生詳慎余直遂先生款曲余凡事任意
無規模先生凡事有成局不失尺寸言貌舉止
無一相同而相視莫逆契合在形跡之外不敢
曰吾友也蓋得一師焉

武烈傳

黃文志少學孫吳兵法明啟禎聞以將材効用兵部時密雲多故本部以守備銜委其任事至則訓練士卒相度機宜或戰或守皆著奇績遂實授守備署指揮僉事迨致仕家居適有土寇之亂於是充西道檄其統率鄉勇以保守城池文志悉力勦捕巨魁李化鯨等相繼授首衆皆解散濮賴以安是大有造於桑梓者

列女傳

夫死身殉

邢氏張多能妻醇謹寡言笑結禱甫二載多能病故氏持利刃刺頸命幾絕家人救解得免誕一男方呱呱泣氏亦弗子乳姬勸以勿斷張後氏驚悟稍食饘粥哀泣不絕聲越數月復為自盡謀母姑勸之則曰未亡人當從夫地下安能苟全性命以活旦夕為吾子有乳姬可托無所慮一旦沐浴更衣經秘室中士夫以其事聞之郡侯段公歎為奇節匾其門曰閨英挺烈仍立石表其墓屬郡人叅議王鍾岱記之

高氏許翔洽妻明崇禎十五年寇亂翔洽被虜氏年二十隻身無依遂自經死

李氏庠生桑行達妻崇禎壬午寇亂遇賊於窮巷驅氏行氏義不受辱立死刃下

石氏庠生熊振飛妻年二十夫故一慟幾絕水漿不入口越七日乃殞

鄭氏趙運廣妻廣母李氏二十而寡撫廣成立

鄭未二年廣死鄭年十八欲自盡姑知其有娠慰之曰若生子趙氏有後矣乃勉強自存已而果生子居無何子殤於痘鄭遂縊於夫柩之側郡侯趙公旌其門

姜氏太學生時宗魯妻年二十五夫故氏飲毒為家人所覺用藥灌救得不死居月餘又自縊姑救之復甦日夜防守不離左右遷延三月竟縊死李氏董養元妻元病不起氏謂其翁曰爾子既死吾不忍獨生以遺孤累翁遂日夜悲泣不食死

劉氏石均子之妻年三十三歲夫死了身竒窮採野蔬而食夫姊勸之改適氏含怒不言援斧斷其右腕以明志諸生白其事於督學使者乃撥學田二十畝令其姪耕以衣食終身

夫死守節終身

黃氏張芬妻

明崇禎三年建坊旌表

楊氏劉文銀妻十九歲守節壽一百六歲

劉氏高瑞妻三十三歲守節壽一百五歲

楊氏生員王祚昌妻二十八歲守節壽九十九歲

廖氏生員周繼志妻二十六歲守節

李氏生員劉彩妻二十歲守節

胡氏儒童陳宗謨妻十七歲守節

連氏魏邦基妻十九歲守節

邢氏房子顏妻年十八子顏死遺子得濟甫四月

氏守節撫孤及長娶王氏四年生子枚未週得

濟死王氏同姑撫子娶張氏生子方彌月枚又

死張氏復矢節以視厥藐孤未幾而子亦殞姑

媳三人悲號腸斷呼天欲絕既而彼此勸慰乃

上

以族人房得助之子為嗣皆皓首完貞相繼以

壽終任煥曰房氏不幸而三世以節見然貞婦

聚於一門數慘而事可傳矣

苗氏張潛修妻

張氏生員高天胤妻

趙氏崔詒元妻

李氏生員劉明珙妻

宋氏張四知妻二十四歲守節

張氏生員陳廷謨妻二十三歲守節

李氏潘廷秀妻十九歲守節

杜氏生員張貽穀妻二十七歲守節

梁氏張桂芳母

張氏生員蘇州元妻二十三歲守節

王氏李資妻二十一歲守節

邢氏生員黃迅妻

李氏徐光斗妻二十四歲守節

宋氏生員陳作霖妻二十一歲守節

黃氏趙世臣妻二十歲守節

閻氏生員桑行敏妻

閻氏生員張奉藻妻

李氏趙元妻二十歲守節

史氏生員李子黃妻二十一歲守節

張氏生員彭應辰妻

王氏生員南山瑤妻

鄭氏呂良贊妻

李氏薛子亮妻十九歲守節

譚氏閻思榮妻二十三歲守節

李氏閭思學妻

宋氏歲貢李開先妻

宋氏生員李文謨妻 文謨開先子

蘇氏生員周烈妻二十二歲守節

傅氏張盡善妻二十歲守節

馬氏生員楊璽妻二十五歲守節

張氏李一燦妻二十二歲守節

苗氏葛天民妻十九歲守節 建坊旌表

蘇氏邢洵妻二十五歲守節

崔氏蘇光有妻二十二歲守節

張氏王化禧妻

谷氏王應瑞妻十八歲守節

康氏馮永玉妻二十歲守節

王氏熊象豹妻二十五歲守節

陳氏田中玉妻十八歲守節

張氏王德顯妻二十歲守節

許氏黃家楨妻十九歲守節

彭氏孫文館妻二十一歲守節

張氏王有祿妻十八歲守節

王氏邢得時妻二十四歲守節

傅氏王景哲妻

謝氏張拱妻二十歲守節

黃氏郭文林妻二十二歲守節

石氏孟衍識妻十八歲守節

蕭氏張汝學妻

王氏周淑顧妻二十三歲守節

李氏生員南漢源妻二十歲守節

譚氏閔忱妻二十五歲守節

王氏生員南樟妻二十歲守節

郭氏生大才妻二十三歲守節

許氏高連城妻二十四歲守節

李氏楊學知妻二十歲守節

卞氏盧含芳妻二十五歲守節

黃氏張方妻

羅氏何善文妻十九歲守節

許氏生員李上材妻二十一歲守節

許氏梁士璜妻

蘇氏生員李旼妻

孫氏梅珂妻十九歲守節

王氏房子碩妻十八歲守節

路氏辛三奇妻

趙氏韓宗聖母

楊氏生員祝天麒妻

周氏生員周址妻二十一歲守節

常氏生員崔贊元妻

劉氏生員崔調元妻

王氏袁世英妻二十三歲守節

許氏南祥麒妻二十歲守節

楊氏鄭金妻

趙氏生員馮廷弼妻二十七歲守節

劉氏姐養成妻二十一歲守節

李氏竇妻

邵氏宗義妻二十三歲守節

王氏陳自強妻二十七歲守節

董氏羅六藝妻

閔氏生員樊中楨妻二十二歲守節

許氏高良弼妻

樊氏劉得銀妻二十四歲守節

何氏崔印行妻

石氏楊孝治妻十七歲守節

申氏張廷潤妻二十三歲守節

孟氏郭策妻二十一歲守節

牛氏劉可久妻二十一歲守節

王氏邢光謨妻二十五歲守節

王氏楊德林妻二十三歲守節

董氏匡乃良妻二十七歲守節

曹氏史良弼妻二十七歲守節

張氏監生王珠母二十三歲守節

馬氏生員郭簠妻二十五歲守節

楊氏南梅妻二十四歲守節

王氏梁志美妻二十二歲守節

張氏監生李御世母

謝氏生員劉化俗妻二十三歲守節

李氏新城訓導葛起元副室

楊氏張琚妻

李氏張妻

王氏邢光謨妻二十五歲守節

溫氏王奇妻

王氏史良甫妻十八歲守節

劉氏吳宗周妻宗周棄母妻逝世他所劉氏因姑

病而割肉以進病立愈

張氏郭文昌妻二十四歲守節

張氏劉春旺妻十九歲守節

席氏張良貴妻十九歲守節

馮氏邢濬妻

儀氏王獻珍妻二十歲守節

孫氏生員王光渤妻二十二歲守節

宋氏陳鳳臺妻十七歲守節

馬氏張明振妻二十三歲守節

熊氏趙淑仁妻

韓氏生員郭屏翰妻二十七歲守節

杜氏王鳳翮妻二十三歲守節

張氏龔邦卿妻

閻氏郭文標妻二十三歲守節

林氏閻世祿妻二十一歲守節

章氏張儒林妻二十三歲守節

仝氏張桂林妻二十一歲守節

蘇氏崔岐妻十六歲守節

王氏王自強妻十七歲守節

宋氏生員高岐妻二十一歲守節

陳氏王應舉妻十八歲守節

楊氏生員吳光順妻

樊氏任易妻

陳氏儒童李培基妻十二歲守節

康熙五十年
題准旌表

郡人任煥曰天地之正氣固日流行於兩間而
未之或息也而人得之以生為正人匪直在
眉間而為忠臣孝子仁人義士已也即賦之閨
幃之內莫不表表自見迥異流俗者之所為故

或以孝聞或以節稱甚而捐軀罔顧則以烈著
此無不足以立身制行扶植綱常建坊表於斯
世炳大義於千秋婦德之為闕巨矣吾濮自分
封以來聚族而居者宛然康叔之遺貞靜是守
者猶是二南之化況乎循良之陶淑日新德禮
之道齊罔斁又有所以感被之者乎故孝有實
孝非以沽名節有真節非以要譽烈由自然不
涉矯強於以登之紀載播今而傳後也固宜或
者曰婦女者流以夫為天即孝事翁姑而殫厥

力際變勵節而堅其守即甚而捐軀以殉而不
有其生此亦婦職所當修婦道所宜然又奚必
志之以表揚之也耶抑思夫人之所甚惜者生
耳而若人篤偕生偕死之義獨不有其生蓋其
所欲有甚於生者故從遊地下之弗恤也而豈
易得者乎人之所甚愛者好合也不幸而所天
不祿義存於守自紅顏而白髮淒風夜雨孤燈
寒幃形單影隻永檠自甘再加以窮困之境親
操井臼永貞不渝以全始而要終非志堅金石

者能之乎若而人者率其天性之自然以為人
事之懿修既不能人人盡邀

天家之旌典若併於志乘中而亦弗獲紀載其姓
氏則一生苦節湮沒無聞非主持名教者所敢
出也故或得之隣里之指陳或得彼後昆之直
致貧富無容岐視貴賤可以齊觀此雖婦女者
流表而著之則得之觀聞者可以興矣

豪俠傳

徐景學州民明崇禎壬午寇亂知州張公其瑾死於事景學偕郭言收尸瘞之國初賊毀北門乃出費修葺皆豪舉也

馮國藩監生慷慨任俠明末地方多故里民困於力役國藩直陳於巡方使者多所減革順治九年河決黃水灌沒州田而協濟聊城之夫食無銀以解國藩又毅然請於上官尋以他縣銀撥補乏州人咸德其賜焉

張其仁庠生幼穎異長而惆儻有才畧顧好為人釋紛排難義之所在利害弗計也

梅式經庠生嘗路逢友人馬士芳為盜所刼乃傾囊資助之其急人患難類如此

王所徵庠生英敏有器識專趨人之急甚已之私遇里中有不平事輒義形於色必求太白其冤抑而後止如陳鳳翮劉曰璵皆獄成而藉其營救以脫者也然絕無德色自矜狀所以為難

劉濟昇太學生少孤苦長習白圭陶朱之術耕畜

發居候時轉物致貲饒裕然好義樂施每散其財以分與知友鄉黨非近世鄙吝者所可同年語也吳允中州民性豪爽謀而能斷鼎革初綠林遍野里中素服其義勇因推舉為壯丁統領凡於簡練防禦之道雖知兵者不是過也卒賴其力以保全居民當事題額旌之曰捍禦有功

馮尊生太學生考授州同英異多才克敦孝友郭外置園亭日與知契娛樂義方教子長達以監生任清源縣政治有聲擢漢州州守仲述以監生授知縣受子之榮生平多所建白人稱為豪傑士

王奮武

甲子四十六名

杜起鳳

甲子五十九名

劉大勲

甲子六十名

孫勲

丁卯七名

張世法

丁卯二十一
名丁丑進士

黃振英

丁卯三十五名

田公度

庚午三名

黃廷獻

庚午進士
丁丑名

董振玉

癸酉二名

錢嘉生

丙子二十名

陳鳳翔

丙子四十名

楊維雷

壬午六名

李世福

壬午二十四名

隱德傳

蘇埈庠生恬澹安和與物無忤工詩賦善書畫好事者求之無弗應者尤究心於岐黃之學每出良劑以活人或感恩致謝笑而却之以子金鉉貴勅封承德郎壽八十九

于文泰李康店居民父母蚤世成立於伶仃孤苦之中讀書知大義自宗族以及知友戚黨終其身無弗和洽敦睦者平居好施與有求輒應遇歲凶百計以周凍餓之人甚於切己積行於鄉足跡不履城市城中人亦鮮識之

李二春生平好善父有遺產悉與其弟建楊二在河橋夾岸植柳千株復買田百畝招人佃種以時修葺其他利人濟物之事不可勝紀享年九十餘歲子庠生天俊孫元庚克紹祖武歲歛全活多人宣城劉起顏其扁曰隱德流光云

王言紀 附勅命

明戶部主事葉廷秀先任南樂縣知縣父母 勅命

勅曰朕聞是薦是蒙必有豐年寧直農夫哉士人
以身心為田以積功累仁為薦蒙至親見夫歌召
父者為吾子而身為衆父父是亦食報於式穀矣
國典疏榮實所亟逮也爾壽官業向健乃直隸大
名府南樂縣知縣廷秀之父素心遵俗至性踰人
孺慕孝敦綵戲斑斕之舞友于愛洽榮敷棠棣之
華惠聲素著周貧陰德本高焚券言為符鼎片詞
司州里之平教有義方一經裕堂構之牒評高月
旦人仰風規用趨率邑之英彰爾趨庭之訓茲封
爾為文林郎直隸大名府南樂縣知
縣祇承綸綍之華益介岡陵之祉
勅曰良媛之勞於生也亦欲徽榮一命顧未得於
夫而得之於子稱厚幸矣矧壽介齊眉祿沾同鼎
其燕喜可勝道哉爾劉氏乃直隸大名府南樂縣

知縣廷秀之母豐碩女珍高明閨秀令族匹姬姜
之貴儷美擬桃李之華極甘脆以承歡于湘筌綺
協唱隨而無近御鼓瑟琴濬乃祥源迪成良令來
板輿於花下頒綸命於楓廷茲封爾為太孺人鸞
章煥采於六珈鵲筭引年於
雙壽天啟七年九月三十日

戶部主事葉廷秀先任南樂縣知縣 勅命

勅曰天維為畿南介藩其列邑令長以廉幹著者
可指數焉惟是康人阜俗公私交濟朕不吝璽書
寵異之以為循吏勸直隸大名府南樂縣知縣
廷秀才識茂明風規清遠南宮升俊北地分符而
爾操勵餐冰塵滿史雲之寵政成游刃化同子心
之琴民熙三月春風吏凜六曹朔雪桑麻無恙
漢吏之循良桃李不言咏周詩之愷悌政未及
三載名已高於百城廉爾行能沐朕寵渥茲以
恩授爾階文林郎夫近畿之邑素稱難治冠蓋相
望則聽察常苛城社為奸則情法難盡繁水即

僻乎要不得以易心處也爾尚始
終一心期底厥績朕行且顯擢焉
勅曰良吏壹意勤民而室中或未
免徧謫即純節不回要非服官者
之幸矣有如賢儷一德恃爾鳴
機褒予製錦可無廷綸以彰閭
閻爾直隸大名府南樂縣知縣
葉廷秀妻田氏清心玉映令德
蘭以循吏之貞姿作哲人之淑
偶椿庭謏背羞明永以為歡螢
案鷄窓篝夜燈而佐業喜看鶚
橫秋漢共襄鳧壷春暉操勵中
綦寔飲泉清介之節勤宣微旦
助戴星出入之勞內外相成休
榮宜並茲封爾為孺人德無忝
於雕鳴化益資於雉乳天啟七
年九月三十日

瀧兵部督捕主事先任國子監助教蘇金鉉移封父

埒 勅命

制曰庶察勤陟岵之懷中朝弘錫類之典爾蘇埒乃國子監助教蘇金鉉之父粹和成性恪慎居躬庭訓夙著於義方家聲式彰其昌熾茲以覃恩封爾為修職佐郎國子監助教錫之勅命於戲廣敷褒獎之恩用慰顯揚之志康熙二十三年九月十三日

兵部督捕主事蘇金鉉父母 勅命

制曰資父事君臣子篤匪躬之誼作忠以孝國家弘錫類之恩爾蘇埒乃兵部督捕主事蘇金鉉之父善積於身祥開厥後教子著義方之訓傳家裕堂構之遺茲以爾子遵例急公封爾為承德郎兵部督捕主事錫之勅命於戲殊榮必達於所親寵命用光於有子尚宏教佑益勵忱恂制曰奉職在公嘉教勞之有自推恩將母宜錫典之攸隆爾兵部督捕主事蘇金鉉母畢氏壺範宜家風協承筐之嫩母儀詒穀載昭畫荻之方茲以爾子遵例急公贈爾為安人於戲彰淑德於不瑕式榮象服膺寵命之有赫永貴泉壙康熙三十二年五月十二日

兵部督捕主事蘇金鉉 勅命

制曰錫類推恩朝廷之大典分猷亮采臣子之常
經爾兵部督捕主事蘇金鉉持躬克謹蒞事惟震
奉職主政小心克昭於夙夜分猷樞部勞勩允著
於官方復輸蓋誠新綸用賁茲以遵例急公授爾
為承德郎錫之勅命於戲弘敷章服之
榮用勵靖共之誼欽茲寵命懋乃嘉猷
制曰恪共奉職良臣既殫厥心貞順宜家淑女爰
從其貴爾兵部督捕主事蘇金鉉妻羅氏含章協
德令儀夙著於閨闈屯勉同心內治相成於夙夜
茲以爾夫遵例急公封爾為安人於戲龍章載煥
用褒敬戒之勤翟蒞欽承益勵柔
嘉之則康熙三十二年五月十二日

藝文志

明吏部考功司郎中葛含馨奏疏

一曰

為欲收吏治之效當

清吏弊之源敬陳端本之末議立破久錮之積習
仰乞聖明嚴飭力行以共圖治安事臣含馨經拙
孤踪沉淪三載荷蒙聖恩特允照舊供職抱病在
苒於前月十九日再補考功旋即到任代庖司事
諸凡職掌攸關計惟有天日自矢捐糜以圖冀仰
答高厚於萬一惟是邇來人情日囂吏治日窳功
令雖嚴而積習未破在外之鑽營愈出愈工在內
之情而益密益固朝夕經營盡是身家之念日用
圖維罔顧職業之修在皇上獨深其憂勤在臣工
各具一肺腑如是而欲望吏弊之澄清何日之有
臣總天下之吏而合計之內而大察以及庶司外
而撫按以及屬員則盡乎吏矣然欲挈裘者先振
其領欲舉網者務提其綱則端本澄源之說不可
不講也臣謂欲禁有司之鑽營當自撫按始撫按

責在察吏懲貪諸如賢否不棄舉銷悉當不因毀
譽為殿策使循良得以表見貪殘無以自容則人
人有應得之功名又何事別尋徑竇而以性命為
嘗試乎則鑽營之弊可不禁而自絕矣是宜飭該
撫按力行振刷者也欲破京官之情面當自各衙
門堂上官始堂官職在正己率屬諸如差委惟公
考覈必嚴不因牆壁為瞻徇使孤直得展其手足
僉巧莫遂其伎倆則在在無可倚之冰山又何必
乞靈與援而以人品供笑罵乎則情面之弊可不
屏而自化矣是宜勅各堂上官力行清釐者也審
如是將見源清流潔大法小廉身家輕而君國重
精神專而事業集有不收吏治之效者未之有也
然臣更有請焉年來一種訛棍鬼蜮萬狀或竄身
吏書而線索閤通或假托親識而招搖撞騙在貪
營固入其網羅即清白亦受其指稱即如臣被誣
一事非邀宸聰獨斷寧復有今日乎此輩大為吏
治之蠹今請勅下緝事衙門嚴拏正法者也臣報
主心切故於受事之始感憤陳言統祈聖明採納

行崇禎十三年八月初十日具奏十八日奉
旨這本記鎖營情面宜責成撫按及大僚力破積
習說得是著該一曰人之實效謹在銓言銓仰乞
部院嚴飭行

聖明官人與課功並渙明綸以肅吏治以光大典
事臣聞致治莫先於用人用人莫先於選吏選吏
莫先於往功此千古帝王治天下不易之道也臣
伏觀皇上邇年以來求賢若渴爵人無方無非憂
勅圖治至意乃皇上每行一番美政臣下即得一
指私圖如保舉也而情賄橫生換授也而冒濫不
少豈真時弊難返良以奉行滋私耳我皇上慮人
材之抑壞毅然破資格撤畛域將一時就教舉人
與廷試歲貢特加擢用內外無補至二百六十餘
員洵為一時盛事千載奇遭然臣為諸臣慶際遇
之可謂為諸臣課職業恭繹破格用人之旨是原因
有可用之人故不妨破格以拔則非徒榮之以車
馬而實欲責之以事功也明矣時事多艱急需幹
才廉驥膺圖報宜猛試問諸臣內而部曹當政

事業弊之時若何振刷外而推知當公私交困之
際若何調劑此而欲勝其任為愉快則必有如祖
宗朝所擢用鄉貢中其幹濟若黃福輩清貞若魏
驥輩通敏若方賓輩博洽若劉有年輩後先頡頏
而後可以上不負天子下不負所學倘猶是身家
為念建樹無聞浸假而以幸遇之功名染世俗之
谿壑一人敗類萬世遺譏不幾蓋當世之士而辱
朝廷之典乎故臣於諸臣服官之始不禁動色相
戒而欲效藥石之歲也況臣部以進賢退不肖為
職者也既以奉皇上之命而以爵祿榮其前自當
明皇上之法而以考功凜其後使諸臣曉然知聖
天子舉錯賞罰原自並行不悖各奮精神共圖職
業以求少慰皇上破格用人之苦心庶吏治肅而
大典有光矣臣受特達之恩祇覺報稱為難因於
受恩諸臣諄相勸勉若此統乞天語一併提醒申
飭施行臣舍馨無任惶悚待命之至崇禎十三年
八月二十一日具奏二十一日為臣州民命垂盡
五日本具百吏部知道一曰為臣州民命垂盡

目情形仰懇聖慈急賜拯勦以保子遺事臣郡潯
州南隣三省西接天雄素號荏苒淵藪此無事之
時猶虞挺險者也不意天心重困此方三年無雨
一望不毛自去歲夏秋之間斗米二千餘文草根
木皮久已食盡然其時饑而死者猶得填溝壑未
死者則父鬻子夫鬻妻或相聚為盜耳往聞天災
流行古或有之夫何至去冬而臣州之事竟為亘
古所未聞史冊所不載者臣謹述為皇上陳之臣
州一城之外士民殺擄村落丘壘惟有賊壘充斥
賊掠子女糧畜摧積營中無日無夜不置酒高會
蓋為賊則飽而為民則饑其不得已而割食死人
以少緩須臾者皆不肯作賊之饑民也去冬十一
月二十三日羣賊自晝攻城勢幾莫支賴撫臣王
國寶檄總兵楊御蕃參將馬岱合兵夾剿斬賊五
千城得以全乃一夜而五千賊骸盡為饑民擡搶
作食洗然無存州人以為是役也不惟有全城之
功實獲續命之膏焉然此猶割食死人也近則野
無遺骸爭啖生人矣初猶戴食行道也今且道無

行人遂誘食鄉隣以及親友矣甚至枵腹難忍父
子生心兄弟不免嗟乎人類至此一旦化為猛獸
獐鬼臣鄉何罪而遭此奇劫也今以濮民十分言
之流亡者十之二餓死者十之三作賊者十之四
所餘者僅一二分百姓耳然此一二分百姓徘徊
於民與盜之間啼號於饑與殍之際又日見消耗
未已也及今救之尚可少留殘喘失今不救勢必
盡無孑遺即我皇上施蠲徵之仁政沛賑卹之德
言恐奉行不力終鮮實惠伏乞嚴責地方有司務
期恪遵屢旨實實蠲緩實實賑濟實實捐助共効
披纓之誼勢切焚溺之救臣雖身羈長安家被焚掠
振米捐銀前已勉輸三百餘金今罄搜灰燼之餘
尚可辦銀二百謹盡數再捐以為紳衿富民之倡
伏望勅下撫按責令州官驗收而實用之也臣聞
畿豫東三撫會師合剿集兵於開歸曹濮之間更
乞星諭行間諸臣勿老師力勿遺隣壑早奏掃蕩
共保遺民此實三省封疆民命之大閼匪臣僅從
桑梓起見也臣含馨無任懇泣待命之至崇禎

四年正月二十四日奏二十七日奉聖旨蠲緩
濟已有該撫按何不嚴察有司恪遵實行殊
屬怠玩這捐助銀兩亦見好義即着驗收實用不
許侵挪合剿聽督撫相機調度務早蕩平該部知
道

皇督學道徐 為葉潤山先生崇祀鄉賢批語 濮州故宦

葉公諱廷秀者仕學兼優君親不媿三年廬墓帝
殘淚葉之珠百折回天血灑金門之杖舊著廉明
於兩邑蔭密甘棠獨舒籌策於孤城兵銷銅馬勲
貴絕侵漁之患太倉潛鼠雀之踪秉正嫉邪生有
裨於家國成仁取義死猶炳
若日星允協與訓宜崇祀典

郡侯鄧 為李北山先生詳請崇祀鄉賢文 前明故宦

尚書司少卿李公先芳文章指匠風雅宗工甫釋
褐而價重鷄林一拜官而恩流雉野迺遷即署

青

陟符卿蓋通敏卓
昂藏之概復狷介其操持惟進而
而益求古處著書立說皆羽翼手
更儀型夫後學世年雖遠傳誌足
賢無媿明禪
鉅典者也

學院黃 為李北山先生崇祀鄉賢批語 前明高寶少卿

李公德隅擅美才幹推長雅尚清通多嶮崎之大
節坦懷卓犖著顯爍之嘉名江右分符不媿一札
十行之賜西曹蒞職更有持平種德之稱不能俯
仰乎上官用是浮沉於參佐然而清風潔操高出
雲霄况乎彩筆鴻文祥推麟鳳遠與高楊並駕近
於王李爭雄至於爾恒人倫園生孝弟纏綿至性
庭集慈烏卓卓風期可謂樂天知命翩翩懷抱允
稱霽月光風如斯德藝無優詎可蒸嘗有闕如詳
行州置主人
祠繳

跋

或有問於余者曰州之有志與國之有史也同乎
否余應之曰固有所謂同者以表紀載之義
而亦有所謂異者以明直筆之嚴傳信而不傳
疑論公而不計私嘉言懿行聞者興起燦若
列眉昭乎可攷者此其所同者也若夫善惡並
載忠佞兼書以數大事之得失即以定一代治亂
興亡之機垂法戒於直毫端寓勸懲於言外微顯
闡幽筆無漏義史則有焉夫志也者紀功而不紀
過載賢而不載不肖可法可傳者則書之而宜鑒
宜戒者則弗書焉而其所以勵人以賢而勉於可法
可傳之意未嘗不見之言外也攷吾州之志自唐虞
三代漢唐宋元以來其歷代沿革疆宇古蹟風土
人物屬在濮陽等項曩哲先達亦既詳哉言之而
又何容贅乎念自十一年以來歲月日增人事損易
箕山澤

靈結秀不無傑士之奮興所宜記載

以示後

而天地正氣之流行不無得之而為節

為孝所宜表揚以樹浮靡之型且也運數無常天
意莫測不無災祲之降水旱之加以煩人事之補
拯此盛德仁人留心治道軫念民瘼者所由宵旰
圖維慙而不釋於懷者也余也謬側斯役惴之難
安不勝蚊蠓負山之恐憶夫楚以檮杌名編晉以
乘載取義魯國之史號曰春秋我夫子即其書而
筆削之布衣而代二百四十二年天子之權炳尊

王之大義寓褒貶於小言一言之褒崇於華衮一
字之貶嚴于斧鉞然而予奪維公知罪是懼蓋慎
之也苟其當此而固慎焉則燕為郢語而亦信并
哇市席之不疑是亦聖人之罪人矣余也謬抒管
窺之見以俟博雅之君子郡後學任煥謹跋

